

BESTELAKO XEDAPENAK

JAURLARITZAREN LEHENDAKARITZA

2857

EBAZPENA, 2012ko ekainaren 12koa, Emakunde-Emakumearen Euskal Erakundeko zuzendariarena, Euskal Autonomia Erkidegoan emakumeen eta gizonen arteko berdintasunaren alde lan egiten duten federazioei edota elkarte mistoei edo gizonez osatutakoei 2012ko ekitaldian diru-laguntzak ematea arautzeko dena.

Emakunde-Emakumearen Euskal Erakundea sortzeari buruzko otsailaren 5eko 2/1988 Legearen 2. artikuluan xedatutakoaren arabera, Emakunde-Emakumearen Euskal Erakundearen helburu nagusia da emakumeen eta gizonen artean berdintasuna lortzea, benetakoa eta eraginkorra, Euskal Autonomia Erkidegoko politikagintzaren, ekonomiaren eta gizartearen esparru guztietan. Emakunderen helburuak dira, beraz, sexuen arteko berdintasuna bideratzeko baldintzak sustatzea; berdintasun hori, izatez eta zuzenbidez, osotasunez garatzeko dauden oztopoak kentzea; eta emakumea baztertzeko edozein modu deuseztatzea Euskadin.

Emakumeen eta Gizonen Berdintasunerako otsailaren 18ko 4/2005 Legeak, 24.3 artikuluan, EAEko herri-administrazioei eskatzen die susta ditzatela emakumeen eta gizonen berdintasuna lortzeko jarduerak egiten dituzten elkarteak.

Bestalde, EAEko Emakumeen eta Gizonen Berdintasunerako V. Planean (Jaurларitzaren Kontseiluak 2010eko ekainaren 29an onartua), emakumeen eta gizonen berdintasuna xede duten edo horretara bideratutako helburuak dituzten gizarte-antolakundeak gehitzearen helburua jasotzen da, Ahalduztzeari eta Balio-aldaketari buruzko I. ardatz estrategikoaren barruan.

Horren haritik, Emakunde-Emakumearen Euskal Erakundeak programa espezifiko bat du berdintasunaren alde diharduten emakume-elkarteei diru-laguntzak emateko. Deialdi horretatik kanpo geratzen dira elkarte mistoak eta gizon-elkarteak. Horregatik, programa berri honen bidez diru-laguntzak eman nahi zaizkie elkarte mistoei eta gizon-elkarteei, aurrera egin dezaten berdintasuna sustatzeko jarduera espezifikoak egiten.

Dena den, xede orokorrak dituzten elkarteak eta/edo federazioak izatea eskatuko da, alegia, elkarte horiek, beste xede batzuen artean, elkartekideen interesak gaintitzen dituzten interesak ase behar dituzte, eskuarki eta lehentasunez hirugarrenen edo gizarte osoaren aldeko jarduerak egin behar dituzte eta beste pertsona batzuei ere elkartean borondatez sartzeko aukera eskaini behar diete.

Horregatik, 4/2005 Legearen 24.3 artikuluan ezarritakoa betez eta Berdintasunerako V. Planaren esparruan, Emakunde-Emakumearen Euskal Erakundeak aurreikusita dauka 2011ko ekitaldian diru-laguntzak ematea, emakumeen eta gizonen berdintasunaren alde diharduten irabazi-asmorik gabeko elkarte eta federazio mistoei edo gizonez osatutakoei. Horretarako arautzen da diru-laguntzen deialdi hau, publizitate, lehia eta objektibotasun irizpideen arabera.

Horrenbestez, honako hau

EBAZTEN DUT:

1. artikulua.– Xedea.

Ebazpen honen xedea da emakumeen eta gizonen arteko berdintasunaren alde lan egiten duten irabazi-asmorik gabeko federazioei eta elkarte mistoei edo gizonez osatutakoei Emakunde-Emakumearen Euskal Erakundeak emango dizkien diru-laguntzak arautzea. Aipatu diru-laguntzen bidez, Erakundeak 2012ko ekitaldirako dituen helburuen eta xedeen arabera proiektu, programa edota jarduera zehatzak egin beharko dira, hurrengo artikuluek xedatutakoari jarraiki eta Erakundearen aurrekontuaren IV. kapituluaren ezarritako kreditu-mugetatik atera gabe.

2. artikulua.– Diru-baliabideak.

Emakunderen aurrekontuetan horretarako ezarritako aurrekontu-kredituetatik aterako dira aurreko artikuluan adierazitako xedeak lortzeko diru-baliabideak. Zenbatekoa, hasieran behintzat, hogeita hamar mila (30.000) eurokoa izango da.

3. artikulua.– Laguntzak emateko prozedura eta laguntzen zenbatekoa.

1.– Deialdi hau lehiaketa-prozeduraz ebatziko da, ebazpen honen 10. artikuluan ezarritakoaren arabera.

2.– Diru-laguntzaren zenbatekoa gehienez ere hiru mila (3.000) eurokoa izango da jarduerako. Onartzen den aurrekontuaren % 100 finantza daiteke. Erakunde onuradun bakoitzeko bi jarduera lagundu daitezke, gehienez ere.

3.– Aurreko lerroaldean aipatutako aurrekontua onartzeko, besteak beste irizpide hauek hartuko dira kontuan:

- Ebazpen honetan zehaztutako araubidearen babesean, diruz lagun daitezkeen gastutzat jotzen dira jarduera egiteko beharrezkoak diren kostuak eta funtzionamendu-gastu arruntak, hain justu ere, erakunde eskatzaileak aurkeztzen duen aurrekontu banakatu eta zehaztuan azaltzen direnak eta jarduera garatzearekin zuzeneko lotura dutenak.

- Soil-soilik lagundutako proiektua garatzen –eta ez beste ezertan– diharduten pertsonen soldata eta lansariak baino ez dira sartuko.

- Diruz lagun daitezkeen gastutzat ezingo da jarri BEZ kengarriaren zenbatekoa, erakunde eskatzailea zerga horren aitortzea egitera behartuta badago. Inbertsio-gastuak ere ez dira lagunduko.

4.– Erakunde eskatzaileak aurkeztutako aurrekontuan, artikulua honen arabera diruz lagundu ezin diren gastuak agertzen badira, Hautaketa Batzordeak ez ditu zenbatuko diruz lagundu daitezkeen gastuen aurrekontua zehazterakoan; izan ere, aurrekontu hori hartuko da kontuan ebazpen-proposamenean diru-laguntzaren zenbatekoa zehazteko.

4. artikulua.– Erakunde onuradunak.

1.– Ebazpen honek araututako diru-laguntzak erakunde hauek eska ditzakete: Euskadiko Elkartei buruzko ekainaren 22ko 7/2007 Legearen aplikazio-eremuan dauden irabazi-asmorik gabeko elkarte eta federazio mistoek eta gizonez osatutakoek, beren estatutuetan ezarritakoa eran; beharrezkoa izango dute, batetik, jarduera Euskal Autonomia Erkidegoaren lurralde-eremuan garatzea eta egoitza soziala ere Euskal Autonomia Erkidegoan edukitzea, eta bestetik, emakumeen eta gizonen arteko berdintasuna sustatzen lan egitea.

2.– Ez dira onuradun izango soilik emakumeez osatutako elkarte eta federazioak, ez eta xede partikularrak dituzten elkarte eta federazioak ere, Euskadiko Elkarteei buruzko ekainaren 22ko 7/2007 Legearen 5. artikuluan ezarritako sailkapenarekin bat etorritz.

3.– Euskal Autonomia Erkidegoko Administrazio Orokorrak eta horren organo autonomoek emandako izaera bereko laguntzei edo diru-laguntzei dagokienez, itzulketa- edo zehapen-prozeduraren bat hasita badago eta oraindik izapidetzen ari bada, aipatu prozedura amaitzea ezinbestekoa izango da diru-laguntzak ordaindu ahal izateko.

5. artikulua.– Diruz lagun daitezkeen jarduerak.

1.– Diruz lagun daitezkeen proiektu, programa edo jarduerak 2012ko urtarrilaren 1etik abenduaren 31ra bitartean egin behar dira, eta, Erakundearen helburuekin eta EAEko Emakumeen eta Gizonen berdintasunerako V. Planarekin bat, prestakuntza-, informazio- eta/edo sentsibilizazio-jarduerak izango dira, honako hauek sustatzen dituztenak:

- Emakumeen autonomiaren garapena eta genero-kontzientzia ahalbidetzea.
- Balio-aldaketa sustatzea lan-eremuan eta etxean, sexuaren araberako estereotipoak eta gizarte-rolak ezabatuz.
- Emakumeek baliabide ekonomikoak eta sozialak baliatu eta kontrolatzeko modua hobetzea.
- Erantzun-kidetasuna eta zaintzaren etika.

2.– Honako hauek ez dira diruz lagunduko:

- a) Aisialdirako baino ez diren jarduera-proiektuak.
- b) Beste entitate batzuei eskainiko zaizkien zerbitzu eta ekintzak finantzatzeko proiektuak.
- c) Genero-ikuspegirik gabeko proiektuak.

6. artikulua.– Eskabideak aurkeztea.

1.– Eskabideak aurkezteko epea hilabetekoa izango da, ebazpen hau Euskal Herriko Agintaritzaren Aldizkarian argitaratu eta biharamunetik hasita.

2.– Eskabideak bertara joanda aurkeztu ahal izango dira, I. eranskinaren ereduari jarraikiz, eta datu guztiak eman beharko dira, hurrengo artikuluan eskatutako dokumentazioarekin batera, eta Emakunde-Emakumearen Euskal Erakundeko zuzendariari bidali (Manuel Iradier kalea 36, 01005, Vitoria-Gasteiz). Bestela, Herri Administrazioen Araubide Juridikoari eta Administrazio Prozedura Erkideari buruzko 30/1992 Legearen 38.4 artikuluan aurreikusitako organoetan aurkeztu beharko dira. Eskabide-eredua Euskadi net helbidearen honako egoitza elektroniko honetan eskuragarri dago:

http://www.emakunde.euskadi.net/u72-20030/es/contenidos/ayuda_subvencion/ayuda_asociaciones_mixtas/es_ayuda/ficha_procedimiento.html

Posta-bulegoaren bidez aurkezten diren eskabideak kartazal irekian jarri beharko dira, egiaztatu aurretik posta-zerbitzuko funtzionarioek eguna eta zigilua jartzeko. Hala egin ezean, dagokion bulego publikoan noiz sartzen den, egun horretan aurkeztutzat joko da.

3.– Halaber, prozedura honen izapide guztiak egiteko, kontsultatzeko eta eskatzeko, entitateek bide elektronikoak erabil ditzakete. Horrela, eskabideak bide elektronikoan aurkezteko, euskadi.net-eko egoitza elektroniko hau dago:

http://www.emakunde.euskadi.net/u72-20030/es/contenidos/ayuda_subvencion/ayuda_asociaciones_mixtas/es_ayuda/ficha_procedimiento.html

Eskabidearen osteko izapideak bide elektronikoz egiteko: <http://www.euskadi.net/misgestiones>.

4.– Eskabidea izapidetzeko eta dokumentazioa aurkezteko bideak –aurrez aurrekoa edo elektronikoa– ez dakar bide hori erabili beharra prozeduraren hurrengo izapideetan, edozein unetan alda baitaiteke bidea.

5.– Eskabideak, aurkeztu beharreko dokumentazioarekin batera, EAEko hizkuntza ofizial bietako edozeinetan aurkez daitezke. Eskabidearen ondoriozko jardueretan eta prozeduran zehar, erakundeak hautatutako hizkuntza erabiliko da, euskararen erabilera normalizatzeari buruzko azaroaren 24ko 10/1982 Oinarrizko Legearen 5.2.a) eta 6.1 artikuluetan ezarritakoaren arabera.

7. artikulua.– Eskabideak eta aurkeztu beharreko dokumentazioa.

Eskabideak Emakunde-Emakumearen Euskal Erakundeko zuzendariari bidali behar zaizkio, agiri hauekin batera:

1.– Orokorrean, eskatzaile guztiek aurkeztu beharrekoak:

1.1.– Eskabide-eredua, I. eranskinaren arabera, erantzukizunpeko adierazpenak eta adostasunak dituela, honako hauek egiaztatzeko:

– Erakunde eskatzailea legez eratuta eta erregistratuta dagoela elkarteen erregistroan, bai eta elkarte edo federazio horrek helburu orokorrak dituela ere.

– Elkarte eskatzailearen edo federazio eskatzailea osatzen duten elkarteen estatutuetan, emakume izatea ez dela eskatzen, kide izateko betekizunen artean.

– Elkarte edo federazio eskatzaileak, bere estatutuen arabera, emakumeen eta gizonen arteko berdintasuna sustatzea duela helburu eta jarduera-eremutat.

– Entitate eskatzaileak dagokion kide-kopurua duela egun.

– Entitate eskatzailea beste administrazio publiko batetik edo entitate pribaturen batetik xede edo helburu bererako laguntzaren bat jasotzen ari den eta/edo halakorik eskatu duen eta onartu zaion, edo eskabidea artean ebatzi gabe dagoen.

– Entitate eskatzaileak ez duela diru-laguntzak edo laguntza publikoak jasotzea eragozten dion administrazio-zehapen edo zehapen penalik, ez eta laguntzak jasotzeko gaitasuna kentzen dion lege-debekurik ere.

– Entitate eskatzaileak ez duela administrazio-zehapen edo zehapen penalik sexu-bereizkeria egiteagatik, eta bestetik, Emakumeen eta Gizonen Berdintasunari buruzko otsailaren 18ko 4/2005 Legearen arabera ez zaiola debekurik jarri ebazpen honetan araututako laguntzak eskatzeko (4/2005 Legea, Emakumeen eta Gizonen Berdintasunerakoa).

– Entitate eskatzailea ez dagoela itzulketa-edo zehapen-prozeduraren baten baitan, Euskal Autonomia Erkidegoko Administrazio Orokorrak eta horren organo autonomoek emandako izaera bereko laguntzen edo diru-laguntzei dagokienez, artean prozedura izapidetzen ari dela.

– Entitate eskatzaileak adierazten duela eskabidean eta dokumentazioan jasotako datuak egiazkoak direla, eta laguntza hauen onuradun izateko, indarrean den araudian ezarritako betekizunak konplitzen dituela.

– Entitate eskatzaileak egunean dituela indarreko xedapenek ezarritako zerga-betebeharrak eta Gizarte Segurantzarekikoak, erregelamenduz zehazten den eran.

– Deialdi hau kudeatzen duen organoari emandako baimena: nortasun-datuak eta Datuen alta/Hirugarren Interesdunaren datuak eta zerga-betebeharrak eta Gizarte Segurantzarekikoak administrazio eskudunean bide elektronikoen bitartez edo aukeran dauden baliabideen bitartez begiratzeko, egiaztatzeke edo frogatzeko baimena, hain zuzen ere.

1.2.– Entitate eskatzailearen datuak, II. eranskinaren arabera.

1.3.– 2011ko urtarrilaren 1etik abenduaren 31ra bitartean egin beharreko jardueren programa. Laguntza eskatu den jarduera bakoitzeko IV. eranskina –osorik– bete beharko da.

1.4.– Emakumeen eta gizonen berdintasunaren alorreko prestakuntza eta/edo esperientzia egiaztatzen duen dokumentazioa, 10.1 artikuluan jasotako irizpideak egoki baloratzeko.

1.5.– Egiaztagiriri eguneratua, dagokion foru ogasunak egina, gehienez jota eskabidearen egunaren aurreko hiru hil lehenago egina, zerga-betebeharrak ordainduta daudela egiaztatzeke, artikuluko honen 1.1 ataleko azken paragrafoan jasotako baimena ematen denean salbu. Zor bat atzeratzea lortzen duen elkarte edo federazioak ordainketak eguneratuta dauzkala joko da, atzeratutako zorrari dagokiona agiri bidez egiaztatzen badu, ebazpen honen 7.1.1 artikuluan jasotako baimena ematen denean salbu.

1.6.– Gizarte Segurantzaren egiaztagarria, enpresa-kuotak ordainduta daudela egiaztatzeke –proiektua egiteko langileak kontratatuz gero–, artikuluko honen 1.1 ataleko azken paragrafoan jasotako baimena ematen denean salbu.

1.7.– Esleipen-irizpideak egiaztatzea ahalbidetzen duten gainerako agiri guztiak.

2.– Diru-laguntzetarako lehenagoko deialdietan dokumentazio hau aurkeztu ez dutenentzat edo diru-laguntzan aldaketak egiten direnerako:

2.1.– Identifikazio Fiskaleko txartelaren fotokopia, artikuluko honen 1.1 ataleko azken paragrafoan jasotako baimena ematen denean salbu.

2.2.– «Datuen alta/Hirugarren interesduna» inprimakia. Eranskin hori hemen dago: http://www.emakunde.euskadi.net/u72-20010/es/contenidos/autorizacion/alta_terceros/es_7999/alta_terceros.html

2.3.– Hala badagokio, erakunde eskatzailea BEZetik salbuetsita dagoela egiaztatzen duen agiria, dagokion foru-ogasunak egina.

3.– Emakunden dauden agiriak ez dira berriz aurkeztu beharko. Horrelakoetan, agiriak noiz eta zein organo edo bulegotan aurkeztu ziren adierazi beharko da eskabidean, azaroaren 26ko 30/1992 Legearen 35.f) artikuluan ezarritakoaren arabera.

4.– Administrazioak, edozein unetan, jatorrizko dokumentazioa entregatzeko eska dezake, kautotasuna egiaztatzeke.

8. artikulua.– Aurkeztutako eskabideetan egindako akatsak zuzentzea.

Diru-laguntzarako eskabideak behar bezala betetzen ez badira edo 7. artikuluan eskatutako agiriren bat falta badute, Emakundek falta den agiria aurkezteke edo antzemandako hutsa zuzentzeke eskatuko dio eskatzaileari, eta hamar eguneko epea emango dio, jakinarazpena egin eta biharamunetik aurrera. Horrez gain, eskatutakoa egin ezean, eskaera ezetsi egingo dela

ohartaraziko zaio eskatzaileari; ezesteko, aurretiaz ebazpena emango da, Herri Administrazioen Araubide Juridiko eta Administrazio Prozedura Erkidearen azaroaren 26ko 30/1992 Legearen 42. artikuluan agindutakoari jarraiki.

9. artikulua.– Hautaketa eta Jarraipen Batzordea.

1.– Hautaketa eta Jarraipen Batzordea osatuko da aurkeztutako eskaerak aztertu eta ebaluatzeko eta emandako diru-laguntzen jarraipena egiteko. Deialdi honetan ezarritako baldintzak betetzen direla egiaztatuko du, eta ondoren, esleipen-proposamen arrazoitua aurkeztuko dio Emakunde-Emakumearen Euskal Erakundeko zuzendariari, laguntzak emateko ebazpena hartzeko; gero, justifikazioari dagokion jarraipena egingo du.

2.– Hautaketa eta Jarraipen Batzordeko kideak:

Presidenteak: Idazkari nagusia.

Epaimahaikideak:

- Administrazio eta Zerbitzuen arduraduna.
- Generoaren arloko Plangintza eta Ikerketaren arduraduna (programa eta prestakuntza arloa).
- Aholkularitza Juridikoko Arlo-arduraduna.
- Emakumeen eta gizonen berdintasunaren alorreko teknikari bat.

Idazkaria: Aholkularitza Juridikoaren arduraduna.

10. artikulua.– Diru-laguntzak esleitzeko irizpideak.

1.– Diru-laguntzak esleitzeko, Hautaketa Batzordeak irizpide hauek hartuko ditu kontuan, bakoitzari emandako puntuen arabera:

a) Proiektu, programa edo jardueraren kalitate teknikoa. 40 puntu, gehienez.

– Proposamena argia izatea helburuak eta ekintzak, lan-metodologia eta ebaluazio-adierazleak formulatzerakoan. 10 puntu, gehienez.

– Proiektua, programa edo jarduera abiaraztea eta/garatztea bideragarria izatea, baliabideak kontuan hartuta (langileak, denbora eta dirua). 10 puntu, gehienez.

– Jarduerak egiten parte hartuko duten pertsona fisikoek edo juridikoek emakumeen eta gizonen berdintasunaren alorrean duten gaikuntza. 10 puntu, gehienez.

– Proposamena zenbateraino egokitzen den diruz lagun daitezkeen jardueretara eta V. Planeko helburuetara. Gehienez ere 5 puntu.

– Elementu berritzaileak. 5 puntu, gehienez.

b) Proiektu, programa edo jardueraren gizarte-onura. 30 puntu, gehienez.

– Beste elkarte edota federazio batzuekin sare-lana egitea. 6 puntu, gehienez.

– Zein kolektiborentzat den. 6 puntu, gehienez.

– Hartzaile kopurua. 6 puntu, gehienez.

– Askotariko bereizkeria kontuan hartzea. 6 puntu, gehienez.

- Jardueraren lurralde-eremua. 6 puntu, gehienez.
- Hedapen-tresnak. 5 puntu, gehienez.
- Aurreko ekitaldietan landutako proiektuari jarraipena ematea. 5 puntu, gehienez.
- c) Emakumeen eta gizonen berdintasunera bideratutako jarduerak garatzen erakunde eskatzaileak duen ibilbidea. 10 puntu, gehienez.
- d) Irisgarritasuna eta bateragarritasuna ahalbidetzen duten elementuak sustatzea. 5 puntu, gehienez.
- e) Euskara eta espainiera erabiltzea jardueraren publizitatean edo garapenean. 5 puntu, gehienez.

2.– Diru-laguntza jasotzeko, proiektuek 45 puntu lortu behar dituzte, gutxienez.

3.– Aurkeztutako jarduera-proiektuak balioetsi ondoren, eskatutako gutxieneko puntuazioa lortu dutenak hurrenkeran jarriko dira –beheranzko noranzkoan–, lortutako puntuazioaren arabera. Hurrenkera horri jarraituz esleituiko dira laguntzak, ebazpen honen 3.2 artikulua uzten duen gehienezko kopuruak kontuan hartuta, eta –hala dagokionean– deialdiko dotazioa agortu arte.

11. artikulua.– Beste diru-laguntza edo laguntza batzuekiko bateragarritasuna.

Deialdi honetan ezarritako diru-laguntzak bateragarriak dira gainerako erakunde publiko edo pribatuak helburu berarekin ematen dituztenekin, baldin eta gainfinantzaketarik ez badago. Gainfinantzaketa gertatuz gero, dagokion gehienezko mugaraino murriztuko da diru-laguntza.

12. artikulua.– Ebazpena.

1.– Laguntzak esleitzeko, Emakunde-Emakumearen Euskal Erakundeko zuzendariak hartuko duen ebazpenak amaitu egingo du prozesua, eta emandako eta atzera botatutako laguntzak adieraziko ditu. Ebazpena banan-banan jakinaraziko zaie erakunde eskatzaileei. Emandako diru-laguntzen zerrenda Euskal Herriko Agintaritzaren Aldizkarian ere argitaratuko da, jendeak horren berri izan dezan.

2.– Eskabideak ebazteko eta ebazpena jakinarazteko epea 2012ko azaroaren 30era artekoa izango da, gehienez ere. Epe horretan enpresa edo entitate interesdunari ebazpenik jakinarazten ez bazaio, diru-laguntzarako eskaera ezetsi egin dela esan nahiko du, hala agintzen baita azaroaren 26ko 30/1992 Legearen 44.1 artikuluan (30/1992 Legea, Herri Administrazioen Araubide Juridiko eta Administrazio Prozedura Erkidearena).

3.– Ebazpenean, erakunde onuradunen zerrenda jasoko da –diruz lagunduko diren proiektuak eta bakoitzari emandako zenbatekoak jarrita–, eta horretaz gain, ordezkotako erakundeen zerrenda ere jaso daiteke, onuradunen batek uko eginez gero, ordezkotagana jo ahal izateko, 13.a artikuluan aurreikusitako epearen barruan. Erakunde horiek ordezkotagapen-hurrenkeraren arabera zerrendatutako dira, diruz lagunduko diren proiektuak adieraziko dira eta, onuradunak uko eginez gero, ordezkotagaren laguntzak izan lezakeen gehienezko zenbatekoa ere azalduko da; zenbateko hori sekula ez da izango uko egin duen onuradunari esleitutakoa baino handiagoa.

13. artikulua.– Erakunde onuradunen betebeharrak.

Ebazpen honetan arautzen diren diru-laguntzen erakunde onuradunek betebeharrak hauek izango dituzte:

a) Emandako diru-laguntza onartu behar dute. Horrela, diru-laguntza eman zaiela jakinarazteko idazkia jaso eta hamabost eguneko epean pertsona edo erakunde onuradunek diru-laguntzari beren-beregi eta idatziz uko egiten ez badiote, diru-laguntza onartu egin dutela esan nahiko du.

b) Diru-laguntza zertarako eman den, xede horretarako erabili behar dute, non eta 15. artikuluan ezarritakoa aplikatzen ez den, eta diruz lagunduko diren jarduerak Emakundek noiznahi egiaztatzea onartu beharko dute.

c) Kontrol Ekonomikoko Bulegoari eta Herri Kontuen Euskal Epaitegiari, beren eginkizunetan dihardutela, deialdi honen kontura jasotako diru-laguntzen inguruan eskatutako informazioa eman behar diete.

d) Diruz lagundutako jardueretan aldaketak egiteko, idatziz jakinarazi beharko dute, Erakundeko Zuzendaritzaren berariazko onespena beharrezkoa baita aldaketak egiteko.

e) Diruz lagundutako jardueren publizitatea egiterakoan, Emakunde-Emakumearen Euskal Erakundearen lankidetzara adierazi beharko da. Horretarako, Emakunde-Emakumearen Euskal Erakundearen marka jarri beharko da, zeina dagokion partaidetza-mailaren arabera adierazi, kokatu eta erakutsi beharko den hedatu beharreko publizitate-euskarrian, Eusko Jaurlaritzaren erakunde-nortasunaren eskuliburua arautzen duen abuztuaren 31ko 318/199 Dekretuan ezarritakoarekin bat etorriz. Marka Emakunde-Emakumearen Euskal Erakundearen egoitzan eska daiteke. Emakunde-Emakumearen Euskal Erakundearen logotipoa beti jarri behar da diruz lagundutako proiektutik ateratzen den dokumentuan. Elkarteak edo federazioak jardueraren edukiak bere gain hartzen dituela adierazi behar da jardueraren publizitatean edo diruz lagundutako argitalpenetan.

14. artikulua.– Diru-laguntza justifikatzea eta ordaintzea.

1.– Diru-laguntza zatika ordainduko da: ehuneko hirurogeita hamabost, 13.a) artikuluan aipatutako epea igaro ondoren –uko egin gabe–, eta gainerakoa, ehuneko hogeita bost, diruz lagunduko jardueretan sortutako gastu guztiak justifikatu ondoren; bigarren zatia ordaintzeko, agiri hauek aurkeztu beharko dira 2013ko urtarrilaren 26ra arteko epean (egun hori barne):

- Jasotako funts publikoak zertan erabili diren justifikatzeko memoria. Memoria horretan, VIII. eranskineko ereduaren arabera, egindako jarduerak, lortutako emaitzak eta helburuak eta erabilitako metodologiaren balorazioa deskribatuko dira, baita diruz lagundutako jardura bakoitzaren balantze ekonomikoa ere.

- Diruz lagundutako jardueratik ateratako produktua, halakorik balego.

- Balantze ekonomikoa, diruz lagundutako jardura bakoitzeko (IV. eranskineko ereduaren arabera).

- Diruz lagundutako gastua egin dela justifikatzen duten fakturak edo agiriak edo Emakunde-Emakumearen Euskal Erakundeak konpultsatutako fotokopiak; kasu horretan, Emakundek jatorrizko fakturei zigilua jarriko die, eta, ondoren, erakunde interesdunari itzuliko dizkio; funtsak behar bezala erabili direla egiaztatzeke behar beste xehetasun eman beharko da. Faktura edo dokumentuetan jasotako gastuaren data 2012ko abenduaren 31 izango da gehien jota. Justifikazioa bide elektronikoz izapidetzen bada, jatorrizko dokumentazioa eskaneatuta eta elektronikoki sinatua bidaltzea onartuko da.

- Soil-soilik lagundutako proiektua garatzen –eta ez beste ezertan– diharduten pertsonen soldata eta lansariak justifikatzeko agiriak.

– Funtzionamendu-gastu arrunten egiaztagiria; gastu horiek erakunde eskatzaileak aurkeztutako jardueraren aurrekontu banakatu eta xehatuan agertu behar dira, eta jardueraren garapenari lotuak egon behar dute ezbairik gabe.

– Diruz lagundutako jardueren publizitatean Emakunde-Emakumearen Euskal Erakundearen lankidetzat agertu dela eta elkarteek edo federazioek jarduerak bere gain hartu dituztela egiaztatzen duten egiaztagiria.

– Erakunde jasotzaile bakoitzeko, 3.000 eurotik gora ematen diren diru-laguntzetan: egiaztagiri eguneratua, zerga-betebeharrak ordainduta daudela egiaztatzeko; dagokion foru ogasunak egin beharko du, artikulua honetan jasotako agiriak aurkeztu aurreko hiru hil lehenago, gehien jota. Salbu eta ebazpen honetako 7.1.1 artikuluko azken atalean jasotako baimena eman bada.

2.– Proiektuaren behin betiko kostu osoa gutxitzen bada, diru-laguntza kalkulatzeko kontuan hartu zen kostuari dagokionez, edo gastua egiaztatzeko agirien bidez (fakturak, ordainagiria, etab.) justifikatzen den zenbatekoa emandako laguntza baino txikiagoa bada, dagokion zati proportzionala kenduko zaio diru-laguntzaren zenbatekoari.

15. artikulua.– Diru-laguntza emateko inguruabarrak aldatzea.

1.– Diru-laguntza emateko kontuan izandako inguruabarren bat aldatzen bada, Emakundeko Zuzendaritzari jakinarazi behar zaio. Diru-laguntzak emateko ebazpena aldatu egin daiteke, baldin eta diru-laguntza emateko kontuan izan diren inguruabarrak aldatu badira –betiere, diru-laguntzaren helburua bete bada– eta bestelako erakunde publiko edo pribatu batek, aldi berean, laguntzarik edo diru-laguntzarik eman badu.

2.– Aurreko artikuluan aipatutako agiriak edo, bestela, artikulua honetako aurreko zatian aipatutakoak jaso, eta agiriak aztertu eta ebaluatu ondoren, Emakunde-Emakumearen Euskal Erakundeko zuzendariak emandako diru-laguntza aldatu eta/edo likidatuko du, administrazio-bidea amaitutzat emango duen ebazpen baten bidez; horrez gainera, diru-laguntzen zenbatekoak egokituko ditu –hala behar denean–, itzuli beharreko zenbatekoa zehaztuko du –hala badagokio– eta 15 eguneko epea emango du dirua itzultzeko.

16. artikulua.– Ez-betetzeak.

Diru-laguntza emateko kontuan hartu ziren baldintzetako bat edo batzuk betetzen ez direla egiaztatzen bada, jasotako zenbatekoak eta zenbateko horri dagozkion legezko interesak itzuli egin beharko dira Euskal Autonomia Erkidegoko Diruzaintza Nagusira, azaroaren 11ko 1/1997 Legegintzako Dekretuan eta abenduaren 17ko 698/1991 Dekretuan ezarritakoaren arabera. Horretaz gain, dagozkion gainerako ekintzak gauzatuko dira.

17. artikulua.– Dirua itzultzeko prozedura.

Ezarritako baldintzak edota betebeharrak betetzen ez direnean, abenduaren 17ko 698/1991 Dekretuan agindutako prozedurari jarraituko zaio emandako diru-laguntza itzultzeko. Dekretu horrek hau ezartzen du:

a) Emakunde-Emakumearen Euskal Erakundeko zuzendariak prozeduraren hasiera eta prozedura funtsatzeko arrazoiak jakinaraziko dizkio erakunde interesdunari, eta 15 egun balioduneko epea emango dio alegazioak aurkezteko.

b) Alegazioak jaso ondoren edo alegaziorik egin gabe epea amaitu ondoren, Emakunde-Emakumearen Euskal Erakundeko zuzendariak amaitutzat joko du prozedura, ebazpen baten bidez. Ebazpen horrek administrazio-bidea amaituko du.

Ebazpenean baldintzak bete ez direla adierazten bada, galdutzat joko da diru-laguntza jasotzeko eskubidea, eta, beharrezkoa bada, jasotako zenbatekoak eta aplikatzekoak diren legezko interesak Euskal Autonomia Erkidegoko Diruzaintza Nagusira itzultzeko aginduko da. Dirua hil biko epean itzuli beharko da, jakinarazpena egiten den egunetik hasita. Epe hori borondatezko alditzat joko da.

c) Borondatezko aldian itzulketarik egiten ez bada, Eusko Jaurlaritzaren Ekonomia eta Ogasun Saileko organo eskudunari jakinaraziko zaio, premiamendu-bideari ekin diezaion, aplikatzekoa den legezko araudian xedatutakoari jarraituz.

d) Aplikatzekoak diren arauak ez betetzeagatik diru-laguntzak itzultzeari buruz artikulua honetan araututako prozedura ebazteko eta jakinarazteko epea hamabi hilekoa izango da, hasiera-akordioaren egunetik hasita.

18. artikulua.— Datu pertsonalen tratamendua.

Deialdi honetan parte hartzen duten lagunen datu pertsonalak Emakunde-Emakumearen Euskal Erakundearen fitxategi automatizatu batean sartuko dira, datuen tratamendua egiteko. Fitxategi hori Datu Pertsonalak Babesteari buruzko 15/1999 Lege Organikoan xedatutakora lotuta dago eta Erakundeak sustatzen dituen laguntzak kudeatzeko baino ez da erabiliko. Interesdunek eskubidea dute datuak ikusteko, zuzentzeko, ezerezteko eta aurka egiteko, Legearen arabera. Eskubide horiez baliatzeko, idazki bat bidali beharko diote fitxategiaren arduradunari, hots, Azterlan, Plangintza eta Dokumentazio Arloari: Manuel Iradier kalea 36, 01005, Vitoria-Gasteiz.

AZKEN XEDAPENAK

Lehenengoa.— Ebazpen honek amaiera ematen dio administrazio-bideari, eta, haren aurka, interesdunek berraztertze-errekurtsoa aurkez diezaioke Emakunde-Emakumearen Euskal Erakundeko zuzendariari, hilabeteko epean, ebazpena Euskal Herriko Agintaritzaren Aldizkarian argitaratu eta biharamunetik hasita; bestela, administrazioarekiko auzi-errekurtsoa aurkez dezakete zuzenean, dagokion Administrazioarekiko Auzietako Epaitegian, hil biko epean, ebazpena EHAA-n argitaratu eta biharamunetik hasita.

Bigarrena.— Ebazpen honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Vitoria-Gasteiz, 2012ko ekainaren 12a.

Emakunde-Emakumearen Euskal Erakundeko zuzendaria,
MARÍA SILVESTRE CABRERA.

2012ko ekainaren 21a, osteguna



I. ERANSKINA

**DIRU-LAGUNTZAK, 2012KO EKITALDIAN, EUSKAL AUTONOMIA ERKIDEGOAN
EMAKUMEEN ETA GIZONEN BERDINTASUNAREN ALDE DIHARDUTEN ELKARTE
MISTOENTZAT ETA GIZONEZ OSATUTAKO ELKARTEENTZAT**

Izartxoak (*) duten datu guztiak nahitaez bete behar dira

ESKABIDEA AURKEZTEN DUENA *

1

☐ Titularra ☐ Ordezkarria

DATU PERTSONALAK

■ TITULARRA

Izena / Erakundearen izendapena *

Dokumentu Mota *

Lehen Abizena *

Bigarren Abizena *

Zenbakia * -

LETRA

Tel. Finkoa Tel. Mugikorra Sexua * ☐ Gizona ☐ Emakumea

■ ORDEZKARIA

Izena / Erakundearen izendapena

Dokumentu Mota

Lehen Abizena

Bigarren Abizena

Zenbakia -

LETRA

Tel. Finkoa Tel. Mugikorra Sexua ☐ Gizona ☐ Emakumea

JAKINARAZPENA *

2

☐ Elektronikoa ☐ Posta bidez

HELBURU POSTALETARAKO (Posta bidezko jakinarazpenetarako soilik) *

Herrialdea * Helbidea * Zk Pisua Letra PK * Udalerria * Lurraldea *

JAKINARAZPEN ELEKTRONIKOENTZAT

3

Posta elektronikoa (puntu eta koma (;) bitartez bereziak)

Mugikorraren telefono zenbakia (puntu eta koma (;) bitartez bereziak)

JAKINARAZPENAK ETA OHARRAK JASO NAHI DIREN HIZKUNTZA *

☐ Euskera☐ Gaztelania

BESTELAKO DATU INTERESGARRIAK

Titularraren betebeharraren informazioa duen Zerga Administrazioaren Lurraldea / Probintzia *

ERANTZUNKIZUNPEKO ADIERAZPENAK

- ☐ Ez naiz laguntzarik jasotzen ari xede eta helburu berarekin Administrazio Publikoen edo erakunde pribatuen eskutik.
- ☐ Administrazio Publiko edo erakunde pribatuen bati laguntza bat eskatu diodala eta eman didatpuntu honetako datuak II. eranskinean zehaztu behar dira).
- ☐ Administrazio Publiko edo erakunde pribatuen bati laguntza bat eskatu diodala eta oraindik erantzunaren zain nagopuntu honetako datuak II. eranskinean zehaztu behar dira).
- ☐ Ordezkatzen dudak elkartek bazkide kopuru hau duela gaur egun: _____
- ☐ Diru-laguntza eskatzen duen elkartearen edo federazioko elkarten estatutuetan, erakundearen helburu eta jardueren-eremuen artean, beren-beregi jasotzen dela emakumeen eta gizonen berdintasuna sustatzea.
- ☐ Diru-laguntza eskatzen duen erakundea xede orokorrak dituen elkarte eta/edo federazio bat dela.
- ☐ Ez nagoela sartuta Euskal Autonomia Erkidegoko Administrazio Orokorrak eta horren erakunde autonomoek emandako ezaugarri bereko beste laguntza edo diru-laguntza batzuen esparruan, itzultzeko edo zigortzeko ezein prozeduratan.

Entitate eskatzailea legez eratuta eta erregistratuta dagoela erregistro honetan: *

_____ data *

Aurretik ez dudala horrelakorik edo antzekorik izan Euskal Autonomia Erkidegoko aurrekontu Orokorreari dagokionez.

Diru-laguntza edo laguntza publikoak lortzeko aukera galtzea dakarren zigor- edo administrazio-arloko zigorrik ez daukat, eta ez nago laguntza horiek jasotzeko ezgaitzen nauten lege-debekuen eraginpean, beren beregiko erreferentzia egiten zaielarik Emakumeen eta Gizonen Berdintasunerako otsailaren 18ko 4/2005 Legeko azken xedapenetako seigarrenaren arabera sexu-diskriminazioa egin izanagatiko lege-debekuei.

Egunean ditudala indarrean dauden xedapenak ezartzen dituzten zerga-betebeharrak eta Gizarte Segurantzarekikoak, araz zehaztu den bezala.

Ordezkatzen dudak erakundeak betetzen dituela indarrean dagoen legedian laguntza hauen onuradun izateko ezarritako baldintzak.

ADOSTASUNAK

Nortasun datuak

- ☐ Deialdi hau kudeatzen duen organoari baimena ematen diot administrazio eskudunean bide elektronikoen bitartez edo aukeran dauden baliabideen bitartez begiratzeko, egiaztatzeko edo frogatzeko.

Zerga-betebeharrak eta Gizarte Segurantzza

- ☐ Deialdi hau kudeatzen duen organoari baimena ematen diot administrazio eskudunean bide elektronikoen bitartez edo aukeran dauden baliabideen bitartez begiratzeko, egiaztatzeko edo frogatzeko.

Hirugarrenen alta

- ☐ Deialdi hau kudeatzen duen organoari baimena ematen diot administrazio eskudunean bide elektronikoen bitartez edo aukeran dauden baliabideen bitartez begiratzeko, egiaztatzeko edo frogatzeko.

DATU PERTSONALAK BABESTEKO LEGEA

Datu Pertsonalak Babesteari buruzko abenduaren 13ko 15/1999 Lege Organikoak xedatutakoa betez, Eusko Jaurlaritzaren Eusko Jaurlaritzaren **Emakunde - Instituto Vasco de la Mujer** jakinarazten dizu eman dituzun eta zure eskabidean agertzen diren datuak **Emakunderen Pertsonen Erregistroa** izeneko fitxategian sartu direla. Eusko Jaurlaritzaren **Emakunde - Instituto Vasco de la Mujer** da fitxategi horren titularra, eta laguntza emateko espedienteak kudeatzea du helburu. Aldez aurretik, Datuak Babesteko Agentziari emango zaio horren berri, hark baitaizka datuen segurtasun osoa bermatzeko behar diren segurtasun-neurriak. Datu horiek, bestalde, ez zaizkie beste pertsona batzuei jakinaraziko, legeak bideratutako kasuetan izan ezik. Datu pertsonalen babesari buruz indarrean dauden arauak jarraiki, eskatzaileak badu sartzeko, zuzentzeko, ezerezteko eta aurka egiteko eskubideez baliatzea, Datu Pertsonalak Babesteari buruzko Lege Organikoak berariaz aitortzen duen bezala. Horretarako, baduzu Eusko Jaurlaritzaren **Emakundeko Erakunde Antonomiadunera** jotzea (Manuel Iradier kalea, 36, 01005, Gasteiz).

Administrazio Publikoak erkatu ahal izango ditu adierazitako datuak eta berariazko egiaztapenak egin ahal izango ditu laguntzak behar bezala esleitzeko.

_____ (e)n _____ (e)an

(Titularraren edo ordezkariaren sinadura)

ESKABIDEAREN ARGIBIDEAK

1

ESKABIDEA AURKEZTEN DUENA

Eskatzaileak bere izenean jokatzek badu, "ESKABIDEA AURKEZTEN DUENA" atalean "Titularra" aukeratu behar du eta "DATU PERTSONALAK" atalean Titularrari dagozkion datuak bete. Eskabidea titularrak sinatzen du.

Eskatzaileak beste pertsona baten ordezkari gisa jokatzek badu, "ESKABIDEA AURKEZTEN DUENA" atalean "Ordezkaria" aukeratu behar du eta, "DATU PERTSONALAK" atalean, Titular bezala ordezkatzek duen pertsonaren datuak bete behar ditu eta bere datuak Ordezkarian. Eskabidea ordezkariak sinatzen du.

Pertsona juridikoak, beti jokatzek dute ordezkari gisa, beraz, "ESKABIDEA AURKEZTEN DUENA" atalean "Ordezkaria" aukeratu behar du eta, "DATU PERTSONALAK" atalean, Titular bezala ordezkatzek duen pertsonaren datuak bete behar ditu eta bere datuak Ordezkarian. Eskabidea ordezkariak sinatzen du.

2

JAKINARAZPENA

Eskatzaileak jakinarazpenak zein kanaletik jaso nahi dituen aukera dezake: posta bidez edo elektronikoa.

POSTA BIDEZ: "HELBURU POSTALETARAKO" atalean adierazitako helbidera igorriko zaizkio jakinarazpenak

ELEKTRONIKOA: eskatzaileak jakinarazpenak www.euskadi.net/nirekudeaketak -eko "Nire gestioak" ataleko sarrera ontzian jasotzeko. "Nire gestioak" atalean sartzeko beharrezkoa izango da eskatzaileak indarrean dagoen ziurtagiri elektronikoa bat izatea (ONA, Dnie, Herritar Ziurtagiria, Erakunde Ziurtagiria, FNMT, ...)

3

JAKINARAZPEN ELEKTRONIKOENTZAT

Eskatzaileak jakinarazpen elektronikoak jasotzea erabaki badu, administrazioak posta elektronikoa edo mugikor bidezko zerbitzu bat jartzek du zure eskura, jakinarazpen bat bidaltzeko dizun bakoitzean zu ohartarazteko.

Nahi dituzun posta elektronikoa edota mugikor zenbaki idatz ditzakezu, kasu bietan datu bakoitza puntu eta koma (;) bitartez bereiziz.



II. ERANSKINA ERAKUNDE ESKATZAILEAREN DATUAK

Izartxo (*) duten datu guztiak nahitaez bete behar dira

ERREGISTROAREN DATUAK / IZENA EMATEN DUEN ERROLDA

Erregistroaren izena / Errola: *

Erregistro data: * Erregistroaren zenbakia: *

Estatuetan, helburuen artean, emakumeen eta gizonen berdintasunaren sustapena jasotzen da (hitzez hitz kopiatu): *

Bazkideak onartzeko prozedurak, betekizunak eta bazkide-motak aipatzen diren kapitulua hitzez hitz kopiatu.

ZUZENDARITZA BATZORDEAREN OSAERA

Kide anitzeko gobernu-organoa/zuzendaritza batzordea eskabidearen datan indarrean dagoena eta erregistroan edo erroldan erregistratuta dagoena osatzen duten kideak: (hitzez hitz kopiatu, izenak eta karguak adieraziz. Erakundearen estatuetan kide anitzeko gobernu-organo bat egotea aurreikusi gabe badago, presidentzia, idazkaritza eta diruzaintza dauden izenak eta karguak adierazi.

Izena	Kargua
	Presidentzia
	Idazkaritza
	Diruzaina
	Beste batzuk (zehaztu)

BESTE FINANTZIAZIO ITURRIAK

Beste finantziazio iturririk izan al dituzu?	☐ Bai ☐ Ez	
Zeintzuk?	Emandako zenbatekoa	Eskatutako zenbatekoa
Guztira		

Beste laguntzarik eskatu al dituzu?	☐ Bai ☐ Ez	
Zein erakunderi?	Eskatutako zenbatekoa	
Guztira		

AURKEZTUTAKO DOKUMENTAZIOA

	Aurkezten diren dokumentuen zerrenda
☐	I. eranskina - Diru-laguntzak, 2012ko ekitaldian, euskal autonomia erkidegoan emakumeen eta gizonen berdintasunaren alde diharduten elkarte mistoentzat eta gizonez osatutako elkarteentzat
☐	II. Eranskina - Erakunde eskatzailearen datuak - Dokumentazioa
☐	III. Eranskina - Jardueren programa
☐	VI. Eranskina - Justifikatzeko memoria
☐	Egiaztagiria, dagokion foru ogasunak egina, erakunde eskatzailea BEZaz salbuetsita dagoela egiaztatzeko
☐	«Datuen alta/Hirugarren interesduna» inprimakia
☐	Emakumeen eta gizonen berdintasunaren alorreko prestakuntzaren fotokopia eta/edo esperientziaren egiaztagiria
☐	Erakunde eskatzailearen estatutuak
☐	Beste agiri batzuk
☐	

Erakundearen ordezkariaren sinadura

2012ko ekainaren 21a, osteguna



III. ERANSKINA JARDUEREN PROGRAMA

JARDUEREN PROIEKTUA

■ Jarduera zk.: 1

(Proiektu bakoitzerako eranskin bat erabili)

Erakunde eskatzailearen izena:

Jardueraren izena:

Proposamena zehaztea, Ebazpenaren 5. artikuluan jasotako jardueri dagokienez eta EAEko Emakumeen eta Gizonen Berdintasunerako V. Planean adierazitako esku-hartze ardatz, programa eta helburuei dagokienez. Dagozkionak adierazi:

- ☐ Emakumeen autonomiaren garapena eta genero-kontzientzia ahalbidetzea.
- ☐ Balio-aldaketa sustatzea lan-eremuan eta etxean, sexuaren arabera estereotipoak eta gizarte-rolak ezabatuz.
- ☐ Emakumeek baliabide ekonomikoak eta sozialak baliatu eta kontrolatzeko modua hobetzea.
- ☐ Erantzukidetasuna eta zaintzaren etika.

Proiektu, programa eta/edo jarduera modalitateak, ebazpenaren 5. artikulua arabera. Dagozkionak adierazi:

- ☐ Prestakuntza
- ☐ Informazioa
- ☐ Gizarte sentsibilizazioa

Ebazpenaren 5. artikuluan eta EAEn Emakume eta Gizonen arteko berdintasunaren V Planean agertzen diren parte-hartze, programa eta helburuetan adierazitako diru-laguntzak jaso dezaketen jardueretan identifikazio-proposamena.

Helburu zehatzak:

Proiektuaren jarduera zehatzak:

Lanaren metodologia:

Ebaluazio adierazleak/irizpideak:

Lortu nahi diren emaitzak:

Jardueraren egutegia:

Ordu kopurua:

Hasiera-data:

Amaiera-data:

Jardueraren lurralde-eremua:

☐ Tokikoa ☐ Lurralde Historikoa ☐ Autonomia Erkidegoa

Jarduera egiteko toki edo tokiak:

Jarduera norentzat den:

Jardueran zenbat pertsonak parte hartuko duten (aurreikuspena): _____ Emakumeak: _____ Gizonak: _____

Hedapenerako tresnak:

Elementu berritzaileak:

--

Erabilerraztasuna eta jarduera bakoitzeko berdinkatzearen elementu bideratzaileak:

--

Jarduera hizkuntza honetan egingo da:

☐ Euskara

☐ Gaztelania

☐ Elebiduna

☐ Besterik

Gastuak	Zenbatekoa
Hizlarien/irakasleen gastuak	
Ordainsariak	
Ostatua	
Garraioa	
Besterik (zehaztu):	
Soilik proiektuan dabilen langileen gastuak	
Ordainsariak	
Ostatua	
Garraioa	
Beste zenbait gastu (zehaztu)	
Material-gastuak	
Fotokopiak	
Material didaktikoak (liburuak, ikus-entzunezkoak...)	
Material-alokairua	
Beste material batzuk (zehaztu):	
Publizitatea	
Diseinuak eta logotipoak	
Horma-irudiak eta liburuxkak	
Prentsako eta irratiko iragarkiak	
Besterik (zehaztu):	

2012ko ekainaren 21a, osteguna

Jarduerak egiteko lokalak alokatzea	
Gastu arruntak	
Posta	
Telefonia eta faxa	
Besterik (zehaztu):	
Beste gastu batzuk (zehaztu):	
Gastuak guztira	

Diru-sarrerak	Zenbatekoa
Elkartearen/Federazioaren ekarpena	
Beste zenbait erakunderen ekarpena	
Eusko Jaurlaritza	
Foru Aldundia	
Udala	
Beste batzuk (zehaztu):	
Parte hartzaileen ekarpena	
Besterik (zehaztu):	
Jarduerarako Emakunderi eskatzen zaion diru-laguntza	
Diru-sarrerak guztira	

Erakunde interesdunaren ordezkariaren sinadura



IV. ERANSKINA

GIZON ETA EMAKUMEEEN ARTEKO BERDINTASUNAREN TREBAKUNTZA EGIAZTATZEN DUEN CURRICULUMA

(Partaide bakoitzeko eranskin bat erabili)

PARTE-HARTZAILE zk.: 1

Jardueraren izena: _____

Izena eta abizenak: _____

Jaiotzaren data: _____

Helbidea: _____

Telefonoa:

--	--	--	--	--	--	--	--	--	--

Posta elektronikoa: _____

Ikesketa akademikoak:

--

Berdintasunaren inguruko ikasketa erlatiboak:

--

Berdintasunean lan-esperientzia:

--

Intereseko beste datu batzuk:

--

Erakunde interesdunaren ordezkariaren sinadura



2012ko ekainaren 21a, osteguna



V. ERANSKINA

ERAKUNDEAREN IBILBIDEA GIZON ETA EMAKUMEEN ARTEKO BERDINTASUNAREN JARDUEREN GARAPENEAN

Erakundearen izena:

Aurreko deialdietan Emakundek diruz lagundutako beste proiektu eta jarduera batzuk adierazi, jarraikortasuna, lurralde-eremua eta aipagarria den beste edozein alderdi:

Intereseko beste datu batzuk: (Atal honetan adierazi behar duzu berdintasunerako jarduera eta proiektuen garapenean erakundeak egin duen ibilbidea, eta haren lekuan, erakundeak berdintasunean prestakuntza duten langileak dituen, indarrean dagoen berdintasun-plana duen, erakunde parte hartzaile bezala Emakundek emandako emakume eta gizonen arteko berdintasunean aitorpena duen edo antzeko aitorpenik edota saririk duen...)

Erakunde interesdunaren ordezkariaren sinadura

2012ko ekainaren 21a, osteguna



VI. ERANSKINA JUSTIFIKATZEKO MEMORIA

PROIEKTU ZK.: 1

(Proiektu bakoitzerako eranskin bat erabili)

Erakundearen izena:

Jardueraren izena:

Jardueraren lurralde-eremua:

☐ Tokikoa ☐ Lurralde Historikoa ☐ EAE

Bertaratutako kopurua: _____ **Emakumeak:** _____ **Gizonak:** _____

Lurralde egiteko tokia: _____

Ordu kopurua: _____

Jardueraren egutegia: _____

Hasiera-data: _____ **Amaiera-data:** _____

Lengua empleada:

☐ Euskara ☐ Gaztelania ☐ Elebiduna ☐ Besterik _____

Egindako jardueren deskribapena:

Proiektuan proposatutako ebaluazio-adierazleen emaitzak (III. Eranskina):

Lortutako helburuen balorazioa:

Erabilitako metodologiaren balorazioa:

--

Konklusioak:

--

Diruz lagundutako jardueraren ondoriozko produktua justifikatzeko aurkeztutako dokumentazioaren zerrenda eta/edo Emakunde-Emakumearen Euskal Erakundearen laguntza aipatu izanaren egiaztagiriarena (adibidez, Emakunderen logotipoa duten programak, kartelak, iragarkiak... ea):

--

Gastuak	Zenbatekoa
Hizlarien/Irakasleen gastuak	
Ordainsariak	
Ostatua	
Garraioa	
Besterik (zehaztu):	
Soilik proiektuan dabiltzan langileen gastuak	
Ordainsariak	
Ostatua	
Garraioa	
Beste zenbait gastu (zehaztu)	
Material-gastuak	
Fotokopiak	
Material didaktikoak (liburuak, ikus-entzunezkoak...)	
Material-alokairua	
Beste material batzuk (zehaztu):	

2012ko ekainaren 21a, osteguna

Publizitatea	
Diseinuak eta logotipoak	
Horma-irudiak eta liburuxkak	
Prentsako eta irratiko iragarkiak	
Besterik (zehaztu):	
Jarduerak egiteko lokalak alokatzea	
Gastu arruntak	
Posta	
Telefonia eta faza	
Besterik (zehaztu):	
Diru-sarrerak	Zenbatekoa
Emakundearen diru-laguntza	
Beste zenbait erakunderen ekarpena	Gastuak guztira
Eusko Jaurlaritza	
Foru Aldundia	
Udala	
Beste batzuk (zehaztu):	
Bazkideen kuotak	
Besterik (zehaztu):	
	Diru-sarrerak guztira

Erakunde interesdunaren ordezkariaren sinadura